

UNIVERZITET U TUZLI

Filozofski fakultet

**STUDIJSKI PROGRAM PRVOG CIKLUSA STUDIJA
HISTORIJA
AK. 2015/16.
/OPĆE ODREDBE /**

Tuzla, mart 2015. godine

I OPĆI DIO STUDIJSKOG PROGRAMA

I Stručni i akademski naziv i stepen koji se stiče završetkom studija I ciklusa

Završetkom studija I ciklusa student stiče akademsko, odnosno stručno zvanje u skladu sa Pravilnikom o akademskim i stručnim zvanjima i načinu njihovog korištenja koji donosi Ministarstvo obrazovanja, nauke, kulture i sporta Tuzlanskog Kantona. Uz diplomu studentu se izdaje i Dodatak diplome (splement).

II Uslovi i upis na studijski program

Pravo učešća na Konkursu imaju kandidati državljani Bosne i Hercegovine, strani državljani i lica bez državljanstva sa završenom srednjom školom u četverogodišnjem trajanju u Bosni i Hercegovini, kao i kandidati koji su srednju školu završili izvan Bosne i Hercegovine, a za koje je nakon postupka nostrifikacije, odnosno ekvivalencije utvrđeno da imaju završeno odgovarajuće srednje obrazovanje.

Pravo učešća na Konkursu imaju i kandidati sa završenom srednjom stručnom školom, ukoliko su stekli dopunsko obrazovanje iz općeobrazovnih predmeta u gimnaziji ili srednjoj tehničkoj i srodnoj školi.

Klasifikacija i izbor kandidata za upis vrši se na osnovu rezultata prijemnog ispita i drugih kriterija u skladu sa procedurama koje utvrđuje Senat Univerziteta u Tuzli

III Naziv i ciljevi studijskog programa

Nastavni plan studija urađen je u skladu sa obavezama Filozofskog fakulteta studijskog odsjeka da redovno inovira nastavne planove i programe, u skladu sa novim zahtjevima na tržištu. Nastavni plan i programi prilagođeni su zahtjevima Zakona o visokom obrazovanju i standardima kojima se reguliše visoko obrazovanje u Bosni i Hercegovini, što podrazumijeva potpuno prilagođavanje Bolonjskim principima i novi sistem organizovanja nastave i kontinuiranog ocjenjivanja studenata.

Studenti slušaju dvije grupe predmeta (obavezni i izborni) čijim polaganjem ostvaruju različit broj ECTS. Primjena novog nastavnog plana i programa počela je školske 2015/16. godine.

Ciljevi studijskog programa su slijedeći:

1. sticanje znanja i vještina za poziv profesora / Bachelora historije, odnosno za planiranje, izvođenje i vrednovanje nastave u osnovnim i srednjim školama te drugim obrazovnim institucijama i programima;
2. osposobljavanje studenata za primjenu stečenih znanja u raznim poljima radnog angažmana-kulturne institucije (muzeji, arhivi, biblioteke, i dr.), javna lokalna, regionalna i državna uprava, mediji, nevladine organizacije itd.;
3. sticanje uslova za dalje školovanje i stručno usavršavanje u raznim srodnim poljima humanističkih i društvenih nauka.

IV Trajanje I ciklusa i ukupan broj ECTS bodova

Prvi ciklus studija traje 4 godine (8 semestara) i vrednuje se sa 240 ECTS bodova.

Studijska godina se organizuje u dva semestra (zimski i ljetni), od kojih svaki ima 15 nastavnih sedmica.

V Kompetencije i vještine koje se stiču kvalifikacijom (diplomom)

Profesor / Bachelor historije će stići kompetencije u ovisnosti o profilu dodiplomskog studija koji je završio:

1. Profesor / Bachelor historije je osposobljen naučno i metodološki da može voditi nastavu iz područja historije ili društvenih predmeta ili religije u osnovnom i srednjem obrazovanju.
2. Profesor / Bachelor historije je stekao nekoliko bitnih vještina: znanje i umijeće prezentiranja. Tokom četiri godine on je razvio određenu "historijsku svijest" i uspjeva prepoznati što je posebno i jedinstveno u historijskim procesima, što je bitno i nebitno. Proširio je svoje znanje i razvio kritične sposobnosti.
3. Stvorio je širu historijsku sliku u svim njezinim oblicima, stekao je temeljne spoznaje glavnih historijskih razdoblja i događaja, interpretirao je različite historijske izvore i radove, puno je čitao i pisao.
4. Cilj dodiplomskog studija nije samo stručno znanje, nego učenje kako samostalno, kritički i kreativno riješiti komplicirane probleme i o tome na jasan način usmeno i pismeno izvjestiti.
5. Ovisno o uslovima za upis na drugim ustanovama u Bosni i Hercegovini, uspješno završen dodiplomski studij historije na Univerzitetu u Tuzli daje mu pravo za nastavak studija na drugim ustanovama u Bosni i Hercegovini ili inostranstvu.
6. Profesor / Bachelor historije je sposoban samostalno istraživati probleme i pojave, i to u njihovom historijskom ambijentu, te o tome znati izvjestiti svoje kolege, ali i širu javnost.
7. Profesor / Bachelor historije je osposobljen prezentirati rezultate naučnih dostignuća historijske nauke te prezentirane činjenice prilagoditi psiho-fizičkoj sposobnosti učenika,
8. Profesor / Bachelor historije je osposobljen predavati i kontraverzna pitanja iz suvremene historije Bosne i Hercegovine, ali i ranijih perioda, na način da vodi računa o historijskim i naučnim uzusima.
9. Profesor / Bachelor historije je osposobljen da učestvuje u radu ili vodi kulturno-historijske institucije poput muzeja, arhiva, biblioteka, te u državnim, regionalnim i lokalnim upravama, medijima, nevladinim organizacijama isl.

VI Uslovi prelaska sa drugih studijskih programa u okviru istih ili srodnih oblasti studiranja

Studentu Univerziteta se može omogućiti prelazak sa jednog studijskog programa na drugi studijski program pod uslovima i postupku utvrđenim Pravilima studiranja na I ciklusu studija na Univerzitetu u Tuzli.

Studentu drugog Univerziteta može se omogućiti prelazak sa **istorodnih** akreditovanih studijskih programa na studijski program Filozofskog fakulteta u Tuzli studijski odsjek za historiju, pod uslovima i postupku utvrđenim Pravilima studiranja i ciklusu studija na Univerzitetu u Tuzli. Pod **istorodnim** studijskom programom smatraju se, studijski program historije.

VII Način izbora predmeta iz drugih studijskih programa

Studenti Filozofskog fakulteta studijski odsjek za historiju mogu upisati pojedine predmete drugih studijskih programa Univerziteta koji se ne izvode na matičnom studiju.

Upis predmeta odobrava Dekan fakulteta uz saglasnost odgovorne osobe za studijski program u okviru kojeg se nalazi predmet koji student želi da sluša.

Ostvareni ECTS bodovi priznaju se kao da su ostvareni u okviru studijskog programa historije, a bodovna vrijednost predmeta odgovara onoj koju taj predmet ima u okviru studijskog programa u okviru kojeg se izvodi.

Broj studenata koji mogu upisati pojedini predmet ograničen je kapacitetom Fakulteta/Akademije, o čemu odlučuje dekan na prijedlog odgovornog nastavnika predmeta.

Predmet koji student sluša na drugom Fakultetu/Akademiji upisuje se u index.

VIII Uslovi upisa u sljedeći semestar, odnosno narednu godinu studija, te način završetka studija

Student stiče pravo na upis u narednu godinu studija ostvarivanjem ECTS kredita za predmete iz prethodne godine studija.

Student može prenijeti u narednu godinu studija najviše 10 (deset) ECTS bodova ili najviše 2 (dva) predmeta, ukoliko zajedno nose više od 10 (deset) ECTS bodova.

Student koji ne ispuni uslove iz prethodnih stavova, obnavlja istu godinu studija.

Student koji obnavlja studijsku godinu izvršava preostale ispitne obaveze u terminima završnog popravnog i dodatnog popravnog ispita

Student koji obnavlja studijsku godinu obavezan je platiti naknadu za obavljanje ispita prilikom svakog ponovnog polaganja završnog ili popravnog ispita iz predmeta u godini koju obnavlja, u visini koju utvrdi Senat.

Student koji obnavlja studijsku godinu, obavezan je prisustvovati realizaciji nastave samo iz nastavnih predmeta iz kojih nije izvršio utvrđene obaveze učešća u nastavi, odnosno nije ostvario pravo na potpis. Ako se, u navedenom slučaju radi o predmetu iz grupe izbornih predmeta student, u narednoj akademskoj godini, može ponovo upisati isti ili birati drugi izborni predmet koji nosi potreban broj ECTS kredita.

Student završne godine studija, koji je ovjerio posljednji semestar (apsolvent) zadržava status studenta još 6 (šest) mjeseci, odnosno do 31. marta naredne godine, u kojem periodu ima pravo na obavljanje preostalih završnih ispita, u svakom kalendarskom mjesecu. Ukoliko ne diplomira u navedenom roku, preostale obaveze izvršava kao student – imatrikulant, uz obavezu plaćanja naknade za polaganje ispita u visini koju utvrdi Senat. Status imatrikulacije podrazumijeva vođenje studenta u evidenciji, bez obaveze obnavljanja završne godine studija i može trajati najduže do isteka akademske godine u kojoj ga sustiže generacija studenata upisanih po izmijenjenom nastavnom planu i programu. Student koji ne diplomira do isteka akademske godine u kojoj ga sustiže generacija studenata upisanih po izmijenjenom nastavnom planu i programu obnavlja upis završne godine studija, uz obavezu izvršavanja razlike obaveza iz nastavnog plana i programa u primjeni, ukoliko se ona utvrdi.

IX Način izvođenja studija

Studij je organiziran kao redovni.

X Uslovi nastavka studija

Po završetku studija prvog ciklusa student može nastaviti studij drugog ciklusa u trajanju od jedne godine.

XI. NASTAVNI PLAN

Nastavni plan četverogodišnjeg studija historije sadrži obavezne (opće i stručne) predmete, izborne predmete i profesionalnu pedagošku praksu i metodičku praksu.

Profesionalna pedagoška praksa studenata realizira se u okviru nastavnih predmeta: – Pedagogija sa didaktikom: sadržaj prakse se odnosi na upoznavanje s pedagoškom evidencijom i dokumentacijom koja se odnosi na neposredni nastavni rad i praćenje razvoja učenika u osnovnim i srednjim školama.

Metodička praksa realizira se u okviru pojedinih predmetnih metodika. U okviru navedenih predmeta izrađuje se program za profesionalnu pedagošku i metodičku praksu koji je sastavni dio programa navedenih predmeta. Način organizacije nastave i obavljanja ispita reguliran je odgovarajućim aktima i propisima Univerziteta u Tuzli koji se odnose na ovu oblast.

	PRVA (I) GODINA	I semestar				II semestar			
	Obavezni krediti	Zimski semestar				Ljetni semestar			
	PREDMET	P	A	L	ECTS	P	A	L	ECTS
1	Uvod u historiju I	3	1	0	5				
2	Opća arheologija	2	3	0	5				
3	Historija starog Istoka	3	3	0	7				
4	Historija stare Grčke i Helenizma	3	3	0	7				
5	Sociologija	2	0	0	3				
6	Historija kulturnih i naučnih institucija u BiH	2	0	0	3				
7	Uvod u historiju II					3	1	0	5
8	Arheologija Bosne i Hercegovine					2	3	0	5
9	Historija starog Rima					3	3	0	7
10	Historija Bosne i Hercegovine u predhistorijsko i antičko doba					3	3	0	7
11	Psihologija					2	0	0	3
12	Latinski jezik					2	0	0	3
	Ukupno obaveznih*	15	10	0	30	15	10	0	30
	Ukuno sati/ECTS	25				25			

	DRUGA (II) GODINA	III semestar				IV semestar			
	Obavezni krediti	Zimski semestar				Ljetni semestar			
	PREDMET	P	A	L	ECTS	P	A	L	ECTS
1	Opća historija srednjeg vijeka I	4	3	0	8				
2	Historija jugoistočne Evrope srednjeg vijeka I	3	2	0	7				
3	Historija srednjovjekovne bosanske države I	5	3	0	9				
4	Pomoćne historijske nauke I	2	1	0	4				
5	Opća historija srednjeg vijeka II					4	3	0	8
6	Historija jugoistočne Evrope srednjeg vijeka II					3	2	0	7
7	Historija srednjovjekovne bosanske države II					5	3	0	9

8	Pomoćne historijske nauke II					2	1	0	4
	Ukupno obaveznih*	14	9	0	28	14	9	0	28
	Ukuno sati/ECTS	23				23			

Izborni krediti		Zimski semestar				Ljetni semestar			
PREDMET		P	A	L	ECTS	P	A	L	ECTS
1	Historija religija I	2	0	0	2				
2	Historija civilizacija I	2	0	0	2				
3	Historija religija II					2	0	0	2
4	Historija civilizacija II					2	0	0	2

TREĆA (III) GODINA		V semestar				VI semestar			
Obavezni krediti		Zimski semestar				Ljetni semestar			
PREDMET		P	A	L	ECTS	P	A	L	ECTS
1	Opća historija novog vijeka I (1492 – 1789.)	5	2	0	9				
2	Historija zemalja jugoistočne Evrope pod osmanskom vlašću (do kraja 18. st.)	4	2	0	8				
3	Pedagogija s didaktikom	2	0	0	2				
4	Historija BiH pod osmanskom vlašću (do kraja 18. st.)	5	3	0	9				
5	Opća historija novog vijeka II (1789 – 1918.)					3	3	0	7
6	Historija Bosne i Hercegovine u 19. stoljeću					4	3	0	9
7	Historija zemalja jugoistočne Evrope u 19. st.					4	3	0	9
8	Arhivistika					2	1	0	3
	Ukupno obaveznih*	16	7	0	28	13	10	0	28
	Ukuno sati/ECTS	23				23			

Izborni krediti		Zimski semestar				Ljetni semestar			
PREDMET		P	A	L	ECTS	P	A	L	ECTS
1	Historija diplomacije	2	0	0	2				
2	Historija umjetnosti I	2	0	0	2				
3	Institucije Osmanskog carstva					2	0	0	2
4	Historija umjetnosti II					2	0	0	2

ČETVRTA (IV) GODINA		VII semestar				VIII semestar			
Obavezni krediti		Zimski semestar				Ljetni semestar			
PREDMET		P	A	L	ECTS	P	A	L	ECTS
1	Opća historija savremenog doba I	4	2	0	8				
2	Historija zem. jugoist. Evrope savrem. doba I	3	2	0	7				
3	Historija BiH u vrijeme austrougarske uprave	5	3	0	9				
4	Metodika nastave historije I	2	2	0	4				
5	Opća historija savremenog doba II					4	2	0	8
6	Historija zem. jugoist. Evrope savrem. doba II					3	2	0	7
7	Historija BiH u 20. stoljeću					5	3	0	9

8	Metodika nastave historije II					2	2	0	4
	Ukupno obaveznih*	14	9	0	28	14	9	0	28
	Ukuno sati/ECTS	23				23			

	Izborni krediti PREDMET	Zimski semestar				Ljetni semestar			
		P	A	L	ECTS	P	A	L	ECTS
1	Historija evropskih integracija	2	0	0	2				
2	Historija međunarodnih odnosa I	2	0	0	2				
3	Historija međunarodnih odnosa II					2	0	0	2
4	Historija genocida					2	0	0	2